

TANGAZO LA SERIKALI Na. 22 la tarehe 12/1/2024

SHERIA YA MAMLAKA YA UDHIBITI WA USAFIRI ARDHINI,  
(SURA YA 413)

**KANUNI**

*(Zimetengenezwa chini ya kifungu cha 45(2)(i))*

KANUNI ZA UFIFILISHAJI MAKOSA ZA MAMLAKA YA UDHIBITI USAFIRI ARDHINI  
ZA MWAKA 2024

MPANGILIO WA KANUNI

*Kanuni*

*Jina*

SEHEMU YA KWANZA  
MASHARTI YA AWALI

1. Jina.
2. Matumizi.
3. Tafsiri.

SEHEMU YA PILI  
HATUA ZA KUFIFILISHA MAKOSA

4. Notisi ya makosa.
5. Utaratibu baada ya notisi ya makosa.
6. Utaratibu baada ya kukataa kosa.
7. Malipo ya faini.
8. Utekelezaji wa amri ya kufifilisha kosa.

SEHEMU YA TATU  
VIFUNGU VYA JUMLA

9. Hatua za Mamlaka.
10. Taarifa kwa Mkurugenzi wa Mashtaka.

MAJEDWALI

SHERIA YA MAMLAKA YA UDHIBITI WA USAFIRI ARDHINI,  
(SURA YA 413)  
(Zimetengenezwa chini ya kifungu cha 45(2)(i))

KANUNI ZA UFIFILISHAJI MAKOSA ZA MAMLAKA YA UDHIBITI  
USAFIRI ARDHINI ZA MWAKA 2024

SEHEMU YA KWANZA  
MASHARTI YA UTANGULIZI

Jina 1. Kanuni hizi zitajulikana kama Kanuni za Ufifilishaji wa Makosa za Mamlaka ya Udhhibiti Usafiri Ardhini za Mwaka 2024.

Matumizi 2. Kanuni hizi zitatumika katika ufifilishaji wa makosa yaliyoainishwa chini ya Sheria na sheria za kisékta.

Tafsiri 3. Katika Kanuni hizi, isipokuwa kama muktadha utahitaji vinginevyo-

Sura ya 413 “Sheria” maana yake ni Sheria ya Mamlaka ya Udhhibiti Usafiri Ardhini;

“Mamlaka” maana yake ni Mamlaka ya Udhhibiti Usafiri Ardhini iliyoanzishwa chini ya Sheria;

Sura ya 413 “Mkurugenzi Mkuu” maana yake ni Mkurugenzi Mkuu wa Mamlaka aliyeteuliwa chini ya Sheria;

SEHEMU YA PILI  
TARATIBU ZA KUFIFILISHA MAKOSA

Notisi ya makosa 4.-(1) Endapo mtu ametenda kosa kinyume cha Sheria au sheria za kisékta, Mamlaka itamjulisha kosa lake kwa kuzingatia Fomu ya Notisi ya Makosa iliyoainishwa katika Jedwali la Kwanza.

(2) Notisi kwenye kanuni ndogo ya (1)-

(a) itaitainisha kosa lililotendwa na kifungu kilichokiukwa;

(b) itaainisha adhabu mahususi kwa makosa yaliyotendwa na kiasi cha ufifilishwaji; na

(c) itaonesha tarehe na sahihi ya afisa  
wa Mamlaka.

Utaratibu  
baada ya  
notisi ya  
makosa

5.-(1) Mtu atakayepokea notisi chini ya kanuni  
ya 4(1) atatakiwa kukiri au kuonesha nia ya kujibu tuhuma  
dhidi ya kosa.

(2) Endapo mtu atakiri kosa kwa mujibu wa  
kanuni ndogo (1), atatakiwa kujaza Fomu ya Kukiri Kosa  
iliyoainishwa kwenye Jedwali la Kwanza na Mamlaka  
itafifilisha kosa hilo.

(3) Endapo mtu ataonesha nia ya kujibu mashtaka  
dhidi ya kosa, atatakiwa kujaza Fomu ya Nia ya Kujibu  
Mashtaka iliyoainishwa kwenye Jedwali la Kwanza.

(4) Mtu atakayeshindwa au kukataa kusaini  
Fomu ya Notisi ya Makosa atachukuliwa kuwa amepinga  
kutenda kosa, na Mamlaka itaendelea na utaratibu  
ulioainishwa katika kanuni ya 6.

Utaratibu  
baada ya  
kukataa kosa

6. Endapo mtu ataonesha nia ya kujibu mashtaka  
dhidi ya kosa, Mamlaka itawasilisha Fomu ya Notisi ya  
Makosa pamoja na Fomu ya Nia ya Kujibu Mashtaka kwa  
Mkurugenzi wa Mashtaka pamoja na taarifa nyingine yoyote  
inayohusika kwa hatua zaidi.

Malipo ya  
faini

7.-(1) Mtu atakayekiri kutenda kosa kwa mujibu  
wa kanuni ya 5(2), atatakiwa kulipa kwa Mamlaka kiasi cha  
fedha ambacho ni nusu ya faini ambayo angetozwa endapo  
angepatikana na hatia.

(2) Endapo mtu atashindwa kulipa kiasi cha fedha  
kilichofifilishwa katika kipindi cha siku 14 kuanzia tarehe ya  
kukiri kosa iliyoainishwa katika Fomu ya Kukiri Kosa,  
Mamlaka itatoza riba ya asilimia tano kwa mwezi ya kiasi  
ambacho hakijalipwa.

(3) Endapo kiasi kilichofifilishwa pamoja na riba  
hakitalipwa kwa zaidi ya siku tisini kuanzia tarehe ya

kutolewa kwa taarifa ya notisi ya makosa, Mamlaka itatoa Notisi ya Ukiukaji iliyoainishwa kwenye Jedwali la Pili.

Utekelezaji wa amri ya kufifilisha kosa

8. Mamlaka inaweza, kwa madhumuni ya utekelezaji wa amri yoyote ya ufifilishaji, kuwasilisha amri ya kufifilisha kosa kwenye mahakama yenye mamlaka ya kukazia amri hiyo kwa ajili ya utekelezaji.

#### SEHEMU YA TATU MASHARTI YA JUMLA

Hatua za Mamlaka

9. Amri ya ufifilishaji wa makosa haitaathiri hatua yoyote ambayo Mamlaka inaweza kuchukua kwa ajili ya kuzuia hasara kubwa kwa mtu, mali au kulinda jambo au masuala yanayohusu maslahi ya umma.

Taarifa kwa Mkurugenzi wa Mashtaka

10. Mamlaka itawasilisha taarifa ya makosa yaliyofifilishwa kwa kila robo ya mwaka kwa Mkurugenzi wa Mashtaka ambayo itajumuisha yafuatayo:

- (a) jina na taarifa za aliyetenda kosa;
- (b) kosa na kifungu cha sheria husika kilichokiukwa;
- (c) tarehe na sehemu kosa lilipotendeka;
- (d) kiasi kilichofifilishwa pamoja na riba kama ipo; na
- (e) taarifa nyingine yoyote ile kadri Mkurugenzi wa Mashtaka anaweza kuzihitaji.



FOMU YA KUKIRI KOSA

**1. MMILIKI WA CHOMBO**

Mimi ..... wa.....(anwani) nikiwa  
(mmiliki/mkurugenzi/meneja/mwakilishi) wa .....  
(kampuni/ushirika n.k) nakiri kutenda kosa/makosa ..... yaliyoainishwa  
kwenye Fomu ya Notisi ya Makosa.

Ninaomba Mamlaka ififilishwe makosa tajwa kwa mujibu wa kifungu/kanuni  
..... ya ..... Sheria/Kanuni.

Nathibitisha kuwa nitalipa kiasi kilichofifilishwa cha Shilingi ..... ndani ya muda  
wa siku kumi na nne kutokana na makosa yaliyoorodheshwa katika Fomu ya Notisi ya Makosa.

Ninafahamu kwamba riba ya asilimia tano kwa mwezi itatozwa iwapo kiasi cha fedha  
kilichofifilishwa hakitalipwa ndani ya muda ulioainishwa hapo juu

Saini: ..... Tarehe: .....

Utambulisho ..... (KITAMBULISHO CHA  
TAIFA/CHETI CHA USAJILI WA CHOMBO)

Saini ya alinayepokea fomu ya kukiri kosa .....

Saini ya Afisa Aliyehimishwa.....

**2. MFANYAKAZI WA CHOMBO**

Mimi ..... wa ..... (anwani) nikiwa (Dereva/  
mfanyakazi wa chombo) wa .....nakiri kutenda kosa/makosa  
..... Kama yaliyoainishwa kwenye Fomu ya Notisi ya Makosa.

Ninaomba Mamlaka ififilishwe makosa tajwa kwa mujibu wa kifungu/kanuni  
..... ya ..... Sheria/Kanuni.

Nathibitisha kuwa nitalipa kiasi kilichofifilishwa cha Shilingi ..... ndani ya muda  
wa siku kumi na nne kutokana na makosa yaliyoorodheshwa katika Fomu ya Notisi ya Makosa.

Ninafahamu kwamba riba ya asilimia tano kwa mwezi itatozwa iwapo kiasi cha fedha  
kilichofifilishwa hakitalipwa ndani ya muda ulioainishwa hapo juu

Saini: ..... Tarehe: .....

*Kanuni Za Ufifilishaji Makosa Za Mamlaka ya Udhibiti Usafiri Ardhini*  
*Tangazo la Serikali Na.22 (Linaendelea.)*

---

Utambulisho ..... (KITAMBULISHO CHA  
TAIFA/LESENI YA UDEREVA N.K.)  
Saini ya alinayepokea fomu ya kukiri kosa .....  
Saini ya Afisa Aliyeidhinishwa.....

FOMU YA NIA YA KUJIBU MASHTAKA

1. MMILIKI WA CHOMBO

Mimi.....wa..... (anwani) nikiwa (mmiliki/mkurugenzi/meneja/mwakilishi) wa ..... (kampuni/ushirika) nakusudia kujibu mashtaka kama yalivyoainishwa kwenye Fomu ya Notisi ya Makosa.

Natoa maelezo yangu kwa maandishi kukana makosa tajwa kama ilivyoambatishwa pamoja na fomu hii.

Saini: ..... Tarehe: .....

Utambulisho.....(NIDA/CHETI CHA USAJILI WA CHOMBO)

2. MFANYAKAZI WA CHOMBO

Mimi ..... wa..... (anwani) nikiwa (Dereva/mfanyakazi wa chombo) wa ..... (kampuni/ushirika) nakusudia kujibu mashtaka kama yalivyoainishwa kwenye Fomu ya Notisi ya Makosa.

Natoa maelezo yangu kwa maandishi kukana makosa tajwa kama ilivyoambatishwa pamoja na fomu hii.

Saini: ..... Tarehe: .....

Utambulisho.....(NIDA/LESENI YA UDEREVA N.K.)



JEDWALI LA PILI

NOTISI YA UKIUKAJI  
(Limetengenezwa chini ya kanuni ya 7(3))

Kwa ..... wa.....  
(anwani) UNATAARIFIWA KWAMBA umeshindwa kulipa kiasi kilichofifilishwa cha Shilingi ..... kilichotakiwa kulipwa kama ilivyoainisha katika Fomu ya Kukiri kosa iliyoambatishwa na fomu hii.

UNATAARIFIWA KWAMBA kwa kukiuka kwako kulipa kiasi kilichofifilishwa kama ilivyoielezwa hapo juu kimesababisha Mamlaka kutoza kiasi cha riba ya asilimia 5 ya kiasi ambacho hakijalipwa kwa mwezi cha Shilingi..... na hivyo kuwa Shilingi ..... kwa mwezi.

UNATAARIFIWA ZAIDI KWAMBA endapo utashindwa kulipa kiasi kilichofifilishwa pamoja na riba ndani ya muda wa siku saba (7) kuanzia tarehe ya kupokea notisi hii, kutailazimu Mamlaka kuwasilisha suala hili kwenye Mahakama yenye uwezo kwa ajili ya kukazia utekelezaji dhidi yako.

Mkurugenzi Mkuu /Ofisa aliyeidhinishwa: .....  
Saini: ..... Tarehe:.....  
Imepokelewa na: .....  
Saini: ..... Tarehe : .....

Dodoma,  
12 Disemba, 2023

MAKAME MNYAA MBARAWA,  
Waziri wa Uchukuzi